

ster ebullit, emittitque spiritum penetrantis odoris sulphurei, martialis, nitrosi, non minimæ quantitatis, unde fons est permanens & incorruptibilis, optimi saporis virtutisque martialis nitrosæ, quam & coagulata in fontis fundo ipsis videre possumus oculis, veluti ultimum nostrum demonstrat experimentum.

*Experiment. V.*

Lapides in fontis incili sive ductu coagulati ramenta metallica sabulumque gliscens demonstrant nitrosum, unde eorum fragmenta igne examinata nitrosum martialem, vix quidem sensibilem, spirant odorem, si vero usta eluuntur, relinquunt ramenta aliquid metallici, quod naturæ videtur esse martialis & ulteriori indiget perscrutatione. Interim iuxta fontis incilem signa sua prodit vena quædam metallica martialis.

*Confectaria quædam vim fontis medicam*

*paucis declarantia.*

*Confectarium I.*

Fons noster ob depositum suum Tartarum sive lapidem purissimus, contra morbos facit omnes Tartareos, malum Hypochondriacum, spleneticum, nephriticum & podagricum; præprimis si aliis specificis simul adiuvatur, etiam æstum sanguinis, acrimoniam biliolam, ardorem ventriculi, dolorem capitis,

Specia-  
lissima  
cognitio  
fontis  
nostri  
Natura-  
lis salu-  
bris &  
foterii.